

壞者令守戶修理專當官人巡加檢校

〔續日本紀文武〕三年十月甲午詔赦天下有罪者但十惡強盜二盜不在赦限爲欲營造越智明齊山科智○天二山陵也辛丑遣淨廣肆衣縫王直大壹當麻真人國見直廣參土師宿禰根麻呂直大肆田中

朝臣法麻呂判官四人主典二人大工二人於越智山陵淨廣肆大石王直大貳栗田朝臣真人直廣參土師宿禰馬手直廣肆小治田朝臣當麻判官四人主典二人大工二人於山科山陵分功修造焉

〔續日本紀聖武〕天平六年四月戊戌地大震壞天下百姓廬舍戊申詔曰今月七日地震殊常恐動山陵宜遣諸王真人副土師宿禰一人檢看諱所八處及有功王之墓

〔續日本紀考證五〕諱所蓋謂山陵歟八處亦未詳其所指言

〔續日本紀十四〕天平十四年五月癸丑越智山陵明齊崩壞長一十一丈廣五丈二尺丙辰遣知太政官事正三位鈴鹿王等十人率雜工修緝之又遣采女女孺等供奉其事

〔文德實錄〕嘉祥三年四月乙丑先是深草陵明仁窄堵婆所藏陀羅尼自發落地遣參議伴宿禰善男

就加安置

〔親長卿記〕文明十七年十一月十三日今日舊院○後山作所悲田院寺內本堂北廻垣破裂可被造直民部卿與予可見廻云々仍罷向了凡如意見了

〔安樂壽院由緒書〕無寺務本寺真言宗山城國紀伊郡竹田安樂壽院○中一當院儀者鳥羽法皇城南離宮御院地之御佛殿也保延三年御造營御奉行藤中納言家成卿同十月十五日御供養御導師白河院第四宮覺法法親王勅會舞樂之曼茶羅供被行之其後年久敷相成及破壞候處建武二年九月廿二日仰前左馬佐令修造給又天文十七年回祿仕候付同十一月三十日忝再建之御綸旨賜之候然シ年ヲ經候儀ニ而其餘之興廢分明ニ難相知當時有之候諸堂坊舍ハ多ク慶長頃修造仕候假建ニ御座候